



Nezavisna komisija za praćenje uslova boravka u zavodima,
postupanje i poštivanje ljudskih prava lica nad kojima se izvršavaju krivične sankcije
i druge mjere koje je izrekao u krivičnom postupku Sud Bosne i Hercegovine,
strani sudovi za djela predviđena Krivičnim zakonom Bosne i Hercegovine
ili međunarodnim ugovorom čiji je potpisnik Bosna i Hercegovina
ili drugi sud u skladu sa zakonom Bosne i Hercegovine

Broj: 05/6-50-13-241-26-3/12
Sarajevo, 27. 9. 2012. godine

Z A P I S N I K

26. sjednice Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina ili drugi sud u skladu sa zakonom Bosne i Hercegovine (u daljnjem tekstu: Nezavisna komisija)

Sjednica je održana 27. septembra 2012.godine, u Sarajevu, s početkom u 12 sati.

PRISUTNI ČLANOVI NEZAVISNE KOMISIJE: Mile Lasić, Semiha Borovac, Predrag Crnogorac i Damir Čačković.

Odsustvo je opravdala Milana Škipina.

OSTALI PRISUTNI: sekretar Nezavisne komisije Ljerka Bojić.

Sjednicu je pratila i Aleksandra Zirojević, administrativno-tehnička saradnica u Sektoru za druga parlamentarna tijela Sekretarijata Parlamentarne skupštine BiH.

Sjednicu je sazvaio Mile Lasić, predsjednik Nezavisne komisije. Nakon što je konstatirao da postoji kvorum za rad, otvorio je 26. sjednicu.

Nezavisna komisija jednoglasno je, uz dopunu podtačkama a), b), c) i d) u okviru *Tekućih pitanja*, usvojila sljedeći

D N E V N I R E D

1. Usvajanje Zapisnika 25. sjednice Nezavisne komisije;

2. Konačno usvajanje Zapisnika o posjeti KPZ-u „Tunjice“ Banja Luka;
3. Konačno usvajanje Izvještaja o posjeti KPZ-u „Tunjice“ Banja Luka;
4. Utvrđivanje Radnog naloga za posjetu KPZ-u Bihać;
5. Informacija o realizaciji zaključaka 1. i 2. Doma naroda Parlamentarne skupštine BiH usvojenih na 18. sjednici, broj: 02-50-6-16-18,6/12, od 19. 7. 2012.;
6. Informacija o projekciji budžeta za 2013. godinu Nezavisne komisije;
7. Razmatranje zahtjeva koje su Nezavisnoj komisiji uputili:
 - a) Osuđenik KPZ Zenica, osuđen od Kantonalnog suda u Tuzli, pismo zaprimljeno 21.8.2012., broj:05/6-50-17-1017/12;
 - b) Osuđenik KPZ Zenica, pismo od 22.8.2012., zaprimljeno 24.8.2012., broj:05/6-50-17-1030/12;
 - c) Osuđenik KPZ Zenica, pismo-molba, od 3.9.2012., zaprimljeno 6.9.2012., broj:05/6-50-19-710/12;
 - d) Osuđenik KPZ Zenica, pismo adresirano na gđu Milanu Škipinu, članicu Nezavisne komisije, od 16.8.2012., zaprimljeno 22.8.2012., 03/15-50-17;
 - e) Osuđenik KPZ Foča, pismo od 11.9.2012., zaprimljeno 19.9.2012., broj:05/6-50-17-1104/12;
8. Tekuća pitanja:
 - a) Utvrđivanje Plana aktivnosti za oktobar 2012. godine
 - b) Utvrđivanje Radnog naloga za posjetu KPZ-u Doboј
 - c) Utvrđivanje Radnog naloga za posjetu KPZ-u Orašje
 - d) Poziv Institucije ombudsmena za ljudska prava BiH članu Nezavisne komisije na individualni razgovor/intervju o zaštiti djece i mladih u sukobu sa zakonom na cijeloj teritoriji BiH.

Ad.1. Usvajanje Zapisnika 25. sjednice Nezavisne komisije

Zapisnik 25. sjednice Nezavisne komisije usvojen je jednoglasno, bez primjedbi.

Ad.2. Konačno usvajanje Zapisnika o posjeti KPZ-u „Tunjice“ Banja Luka

Nakon detaljnog razmatranja Nezavisna komisija jednoglasno je, uz određene dopune i ispravke, usvojila konačni Zapisnik o posjeti KPZ-u, „Tunjice“ Banja Luka obavljene 6. 7. 2012. godine, koji je pripremio Damir Čačković.

Ad.3. Konačno usvajanje Izvještaja o posjeti KPZ-u „Tunjice“ Banja Luka

Nakon detaljnog razmatranja Nezavisna komisija jednoglasno je usvojila konačni Izvještaj o posjeti KPZ-u „Tunjice“ Banja Luka, koji je pripremio Damir Čačković.

Ad.4. Utvrđivanje Radnog naloga za posjetu KPZ-u Bihać

U okviru ove tačke dnevnog reda članovi Nezavisne komisije usvojili su Radni nalog za posjetu KPZ-u Bihać, koja je planirana i najavljena za 28. 9. 2012., u 8 sati.

**Ad.5. Informacija o realizaciji zaključaka 1. i 2. Doma naroda
Parlamentarne skupštine BiH usvojenih na 18. sjednici,
broj: 02-50-6-16-18,6/12, od 19. 7. 2012.**

Predsjednik Nezavisne komisije informirao je članove o realizaciji zaključaka 1. i 2. Doma naroda Parlamentarne skupštine BiH sa 18. sjednice u vezi sa usvajanjem Godišnjeg izvještaja o radu Nezavisne komisije (dopis broj: 02-50-6-16-18,6/12, od 19.7.2012.) i konstatirao da Nezavisna komisija postupa u skladu sa sljedećim zaključcima:

Nezavisna komisija je, u skladu sa Zaključkom 1., uspostavila evidenciju kako bi pratila realizaciju preporuka kazneno-popravnih zavoda, koje je Nezavisna komisija dala nakon obavljenih posjeta. U vezi s tim je, 4.9.2012., poslala cirkularno pismo kazneno-popravnim zavodima u BiH (broj:05/6-50-13-241-25-8/12) kojim se traži da redovno izvještavaju Nezavisnu komisiju o provedenim preporukama koje se odnose na uočene nedostatke. Prikupljene povratne informacije Nezavisna komisija će kontinuirano dostavljati Zajedničkoj komisiji za ljudska prava, prava djeteta, mlade, imigraciju, izbjeglice, azil i etiku Parlamentarne skupštine BiH.

U skladu sa Zaključkom 2. a u vezi sa usvajanjem Godišnjeg izvještaja o radu Nezavisne komisije sa 18. sjednice Doma naroda PSBiH, Nezavisna komisija izvijestila je Zajedničku komisiju za ljudska prava, prava djeteta, mlade, imigraciju, izbjeglice, azil i etiku Parlamentarne skupštine BiH da je, 15. i 16. 6. 2012., posjetila KPZ Zenica, te da je 27.8.2012. Zajedničkoj komisiji dostavila izvještaj o toj posjeti (broj 05/06-50-19-710-3/12).

Ad.6. Informacija o projekciji budžeta Nezavisne komisije za 2013. godinu

Nakon detaljne analize budžeta za 2012. godinu i razmatranja Finansijskog plana i programa Nezavisne komisije za 2013. godinu, naglašeno je da je postupljeno u skladu sa Instrukcijom za izradu projekcije budžeta za 2013. godinu kojom je sugerirano svim korisnicima da ulazni parametri budu u okviru usvojenog budžeta za 2012. godinu.

Istaknuto je da dio sredstava treba iskoristiti za edukaciju i realizaciju studijske posjete Nezavisne komisije jednoj od država članica Europske unije, u okviru koje bi članovi ovog tijela mogli razmijeniti iskustva s članovima sličnih tijela. Prvu planiranu studijsku posjetu Nezavisne komisije Republici Sloveniji, u 2011. godini, nije bilo moguće realizirati, jer domaćin nije imao slobodan termin i stoga treba obnoviti razgovore o utvrđivanju termina posjete.

Ad.7. Razmatranje zahtjeva koje su Nezavisnoj komisiji uputili osuđenici:

a) U vezi s ovom podtačkom dnevnoga reda, Nezavisna komisija je primila k znanju pismo zaprimljeno 21. 8. 2012. godine, broj: 05/6-50-17-1017/12 osuđenika KPZ Zenica, osuđenog od Kantonalnog suda Tuzla, i konstatirala da nije nadležna za navedeni predmet, o čemu će obavijestiti potpisnika pisma.

b) U okviru ove podtačke dnevnog reda, pismo - žalba od 22.8.2012., zaprimljeno 24.8.2012., broj:05/6-50-17-1030/12, koje je Nezavisnoj komisiji uputio osuđenik KPZ Zenica, M.B. 441/08, primljeno je k znanju. Naglašeno je da je to treći dopis po redu. Žalba broj 05/2-50-17-42/12 zaprimljena 28.6.2012., od 25.6 2012. razmatrana je na 24. sjednici, održanoj 5.7.2012., kada je konstatirano je da je na 7. sjednici Nezavisne komisije, održanoj 31.3.2011., utvrđeno da navedeni predmet nije u nadležnosti ove komisije nego Federalnog ministarstva pravde, o čemu su tada obaviješteni i nadležno ministarstvo i potpisnik žalbe

c) U vezi s pismom-molbom zatvorenika premještenog iz zatvora Kraljevine Švedske u KPZ Zenica, od 3.9.2012., zaprimljenog 6. 9. 2012. godine, broj: 05/6-50-19-710/12. Nezavisna komisija će uputiti dopis Ministarstvu pravde BiH i zatražiti zvanični stav.

d) Pismo zatvorenika KPZ Zenica adresirano na gđu Milanu Škipinu, članicu Nezavisne komisije, od 16.8.2012., zaprimljeno 22.8.2012., u kojem navodi da još nije dobio odgovor na ranije upućeno pismo u kojem se žali da mu nije odobrena intimna posjeta djevojke, pmljeno je k znanju, uz konstataciju da je Nezavisna komisija, u skladu s dogovorom s 25. sjednice, odgovor uputila 22.8.2012. (dopis broj : 05/6-50-13-241-25-4/12).

e) Pismo-molba osuđenika KPZ Foča od 11.9.2012., zaprimljeno 19.9.2012., broj:05/6-50-17-1104/12, razmotreno je i u vezi s tim Nezavisna komisija će preduzeti aktivnosti iz svoje nadležnosti.

A.d. 8. Tekuća pitanja

a) U vezi s ovom podtačkom dnevnog reda, članovi Nezavisne komisije dogovorili su, jednoglasno, da u oktobru ove godine organiziraju najavljenju posjetu KPZ-u Doboj i KPZ-u Bihać. U najavi posjete treba navesti da je potrebno osigurati prisustvo svih lica koja je osudio Sud BiH kao i pritvorenika za koje je mjeru pritvora izrekao Sud BiH, a nalaze se u KPZ-u Doboj i KPZ-u Orašje. Za nesmetani rad Nezavisne komisije potrebno je, i u KPZ-u Doboj i KPZ-u Orašje, osigurati dvije prostorije za povjerljive razgovore. Za posjete KPZ-u Doboj i KPZ-u Orašje treba tražiti kombi Parlamentarne skupštine BiH.

b) Pod ovom padtačkom dnevnog reda Nezavisna komisija jednoglasno je usvojila Radni nalog za posjetu KPZ-u Doboj, koja je planirana i najavljena za 18. 10. 2012., u 11 sati.

c) Pod ovom padtačkom dnevnog reda Nezavisna komisija jednoglasno je usvojila Radni nalog za posjetu KPZ-u Orašje, koja je planirana i najavljena za 19. 10. 2012., u 9 sati.

d) Predsjednik Nezavisne komisije informirao je članove o tome da je zaprimljen poziv Institucije ombudsmena za ljudska prava BiH članu Nezavisne komisije na individualni razgovor/intervju vezano za zaštitu djece i mladih koji su u sukobu sa zakonom u BiH. Dogovoreno je da će Nezavisnu komisiju predstavljati prva zamjenica predsjednika Semiha Borovac.

Predsjednik Nezavisne komisije Mile Lasić zaključio je sjednicu u 14 sati.

SEKRETAR

NEZAVISNE KOMISIJE

Ljerka Bojić

PREDSJEDNIK

NEZAVISNE KOMISIJE

dr. sc. Mile Lasić